

Su lang die Leechter noch brenne

Text: Mike Kremer, Musik: Mike Kremer, Nils Schreiber
© 2015 Edition Miljö / Edition Rhingtön, Koch Musikverlage GmbH

Mer süht et en d'r Zeidung,
mer hürt et op d'r Stroß:
"Do leever Jott, et Engk es noh,
die Kölsche stirve us!"

Kei Bloskapell un och kei Flitsch,
mer han dä Brassel jroß
Statt Ostermann un Millowitsch
hürt mer jetz "Atemlos"

Doch et es nit nor en Sproch,
et es nit nor Zohus,
en Levvensaat, die stirv su schnell nit us

Su lang beim Lommi die Leechter noch brenne
Su lang 'ne Funk weiß, wie Stipfefott jeiht
Su lang dä Pitter noch schläht, dä Speimanes noch speit
Jo, su lang stirv dä Kölsche nit us

Mer hürt se nur noch selde,
uns Muttersproch es weg
un süht och immer winnijer
die Weetschaff op d'r Eck

Doch et jitt en noch, dä ahle Mann,
dä jet zo verzälle hät
D'röm hald de Schnüss un hür ens zo
un zeig im jet Respek

Denn et es nit nur en Sproch,
et es nit nor Zohus,
en Levvensaat, die stirv su schnell nit us

*Un et bliev, bliev, bliev heh, wie et wor,
denn mer sing, sing, singe och em nächste Johr
Jo, et bliev, bliev, bliev heh, wie et wor,
denn mer singe och em nächste Johr*